

浙江通省志圖說

長洲沈德潛確士 稿

長洲周 準欽萊評點

圖說敘

周禮土訓掌道地圖以詔地事。職在稱說九州形勢。以告物土之宜。典甚重也。浙省為東南要區。

聖天子德教誕敷。既已置之仁壽之域。而郊圻封宇。山川民物。時欲登之圖籍。使地官稱說於殿廷之前。因掇全省諸郡。暨江海湖山巨鎮關

浙江通省志圖說

一

隘名勝之地。繪圖陳說。凡有關治術者著於篇。

全浙圖說

浙江古揚州地。東至海。西至江西。南至福建。北至江南。崇山巨浸。雄峙包絡。東晉時目為今之關中。誠重乎地利也。領府十有一。省會曰杭州。次嘉興。湖州。次寧波。紹興。次台州。金華。次衢。嚴。溫。處。四州。十一府中。州一。縣七。十五。皆分隸焉。考之圖籍。疆寓之廣。不及川陝。諸省。而秔稻桑麻之利。魚鹽蜃蛤之饒。金錫竹箭織文之美。足以均輸。

天府。利賴四方。且人文競秀。鼓歌誦讀之聲。徹於衢路者。無殊俗也。蓋駸駸乎甲於天下矣。說者謂秦漢之世。兩浙猶在遠服中。聲教之開。應在六朝以後。不知禹會諸侯於會稽。執玉帛者畢。至是聖化廣被。自三代之初。以至於今。何其遠也。

國朝

聖聖相承。涵濡煦育。湛恩汪濊。浹於吳山越水之間。漸被暨訖。訖前後合符。節焉蓋紹一中之傳。即同文命之敷。東南兆姓。何幸而常被聖人之明德也。猗歟盛哉。

是十一府總領後尋出塗山之會見聖人
之化廣被遠服眼光獨到

會城圖說

會城左江右湖。廣袤四十里。為門十。東城五。曰候潮。望江。清泰。慶春。艮山。西城三。曰清波。湧金。錢塘。南城一。曰鳳山。北城一。曰武林。西城一面。依吳山而築。祠廟之合祀典者。咸在山巔。城河五道。曰府學河。清湖河。小河。鹽橋河。東運河。鳳山門左。建牙開府者。為總督署。北為巡撫署。又北為鹽院署。城之西。築內城。而駐防者。為將軍府。織造府。當城之中。督學署。藩署。糧道署。在城之南。臬署。在城之北。運

浙江通省志圖說

四

司署在城之西。府縣署近清波門。府縣儒學署近清波。清泰二門。貢院介慶春艮山二門。居民之廬井街巷。坊表廛市。鱗次櫛比。登吳山。西眺湖波。澄泓金碧。繡繪東望江流。銀潮如馬。浩淼無極。而紅塵四合。萬家烟火。畢收之襟帶間。可謂盛矣。居於斯者。食毛踐土。何以不媿為盛世之民。官於斯者。儋珪析爵。何以不媿為盛世之臣。惟尊

君親上。化民成俗。履和樂。臻上理。以答

天子仁育義正之心。庶足稱東南第一州云。

一 中點衙署一段錯綜有法後寫左江右湖
萬家煙火令閱者如置身其間

杭州府圖說

浙省為天下隩區。領郡十一。而杭州為首郡。屬縣九。錢塘仁和同在會城。海寧郡東也。富陽餘杭臨安新城郡西也。於潛昌化郡西北也。郡之鎮山為吳山。跨臨安於潛。而為一郡主山者為天目。環海寧者為大海。過富春經錢塘者為錢塘江。負郭而西者為西湖。形勢險要。幅員修廣。控制兩浙。如裘之有領焉。而其地自武肅開鎮。南宋建都以來。日新月盛。至今人民之衆。財賦之充。城池井邑之壯。衣冠文物之華。與夫商賈百貨之交會者。冠於他州。談者與金陵姑蘇並稱。匪誇美也。

天子眷念東南。治益求治。務因其俗之美。而紀綱化導之。故水利既興。江塘既築。海防既周。而於畎畝衣食孝弟忠敬之最切者。尤欲其勤力。敦篤以厚其生。而成其材。今樸者安於農桑。秀良之民。循習乎德行道藝之美。民風土俗。蒸蒸然進而益上焉。以是為十一郡先將兩浙之民。咸蹈德詠仁於太和之世矣。

嘉興府圖說

浙江十郡都以山為界而嘉興獨南控大海北鄰震澤古所稱澤國也在春秋為檇李在秦為由拳在孫吳為嘉興縣後唐為開元府後晉為秀州而嘉興府之名則更定於有明開國之時縣之鄰震澤者為嘉興為秀水為嘉善為桐鄉為石門而嘉善又連吳淞桐鄉石門又連清溪縣之控大海者為海鹽為平湖而平湖又引吳淞三泖之水重湖疊潏彌望平行陸游入蜀記謂幾日夜行大澤中指浙江通省志圖說

七

此郡也然地皆卑下厥土塗泥介在蘇杭賦役繁重今天子七年

詔減浙省浮糧而嘉興與湖州同被霑漑歡聲雷動遍於閭閻自是東南澤國日在春風化雨中矣民之荷畚鍤築場圃者發為耕田鑿井之謠而是邦才俊之士揚風扞雅鋪陳盛美可被金石叶絃誦者亦時聞於湖壖海澨之間采民風者行且憑軒而聽焉

湖州府圖說

湖州山爲天目卞山。澤爲具區。川爲苕霅。餘不前溪。蘇子瞻所謂山水清遠地也。府共六縣一州。郭內烏程歸安分領。而長興德清武康孝豐皆分隸焉。安吉一州。舊改爲縣矣。其仍以州名者。明正德時始也。地足於稻蟹菱芰菰蒲之屬。蠶桑之利。衣被遠邇。過於幽俗。而白蘋碧浪。左右滌洄。人家倚樓憑檻。如在冰壺寒鑑中。尤爲他郡所尠。蓋其地自東晉渡江以後。守郡者如謝安石柳文暢之流。風

流文雅。化導斯民。故清流美士。餘風相續。然自唐顏魯公爲刺史。暮年之間。德政遠洽。宋胡安定教授湖學。講明經術。經濟之大。而東南文學之士。皆興起焉。大曆寶元以來。民風土俗。又蒸然一變矣。今山川清淑之氣如故也。魯公之辟佐分理。不勞而治者。前事可師也。安定之經義治事。所以使學人明體達用者。正宜講求也。循良之吏。學校之師。其有繼二公而興起者乎。

傳出山水清遠。孫贊湖州樂詩不能到此。

寧波府圖說

寧波古句章地也。緣海而郡。南界於台。西界於紹。東與北直以海為界云。分縣五。附郭曰鄞。郡之西北曰慈谿。西南曰奉化。東北切於海岸曰定海。東南曰象山。前代所定之封域也。康熙二十六年。

聖祖仁皇帝念舟山為古昌國衛。懸隔大海。島服之航海而來者。咸取道於此。

命建城設官。增置防衛。因以舊定海縣更名鎮海。而定海之名移之昌國。生聚富教。日久日繁。

浙江通省志圖說

九

四十餘年於茲矣。考前明洪武時。命信國公湯和。經略邊海。故寧郡海疆。添設衛所。較他郡獨多。然扞禦稍弛。繹騷滋起。今則威以服之。恩以懷之。氛祲既息。驚波永寧。鎮海定海之民。與鄞慈諸邑。共享魚鹽之利。遊文明之府。而瀕海之疆。安磐石。稱上國焉。蓋遠人之享。王者極之。無雷左食之邦。

聖人功德。超軼前古矣。詩云。海外有截。功也。書云。海隅蒼生。萬邦黎獻。共惟帝臣。德也。

紹興府圖說

九州皆有山鎮而周禮職方氏首及會稽以其獨尊於陽方也會稽者今之紹興府也隸縣八首山陰次會稽會稽沿古郡名也次蕭山次諸暨次餘姚次上虞次嵊縣次新昌而山陰會稽同在郡城中其疆土帶海傍江其名勝千巖萬壑其君子好學篤志而立功名其小人食物常足勤力節儉而尚氣節雖稟山川之氣固然而觀感古人其轉移實有力焉今試按圖而考苗山夏后氏於此會諸侯

浙江通省志圖說

十

同風氣也叢山越王采叢而食以自勵苦辛者也江名曹娥孝女之神明在焉緬蘭亭激湍鑑湖一曲畢然懷右軍賀監之清風而中天高閣王文成讀書講學之所故老猶能道之宜生其後者奮興鼓舞而不自知也若夫名山有宛委之藏物產有竹箭之美須慮之船疾於駛馬堇山之銅利於鑄劍亦足雄視他方考古者每樂道之。

中按圖而考以下與蘇子瞻超然臺記東望馬耳常山出沒隱見一段神理暗合

台州府圖說

台州西北環山。東南距海。環山者。臨海也。仙居也。天台也。距海者。黃巖也。寧海也。太平也。州之山皆險峻。而天台山當牛女之分。上應列宿。故州以名焉。漢元封初。徙東越之民於江淮。而空其地。時台猶在荒服中。晉地里志。止稱水耕火耨。漁獵山樵。飲食頗給。六朝以後。封守日固。聲華漸開。蓋在上有風教。而後在下。多秀民。非一朝一夕之故也。唐自鄭虔為司戶。選民間子弟教之。至宋南渡後。朱子

浙江通省志圖說

十一

以常平使者行部至台。表二徐

中行庭筠

先生之

墓。闡濂洛正學之傳。而交好如石鑿。從遊如潘時舉。趙師邾。杜知仁。林恪輩。轉相授受。師友淵源。宛然鄒魯。迄今家誦讀。而戶絃歌。彬彬如也。則台之異於他郡。匪獨如孫綽所云。窮山海之瓌富。盡天人之壯麗者矣。而探幽奧者。謂山水名區。慕二氏者。謂高僧化人。往往而有。指為仙佛之國。是亦譏譏之見也。夫歸重理學。撇去山水名區。高僧化人才是

儒者持論

金華府圖說

郡名金華。自梁武帝始。而秦時實會稽郡之一縣也。舊領縣七。曰金華。曰蘭谿。曰東陽。曰義烏。曰永康。曰武義。曰浦江。明成化時。割金衢處三府邊隅之地。置新縣曰湯溪。共領縣八。地與溫處三衢為界。名山包絡。土物饒裕。凡江湘閩廣官吏之走集。食貨之轉輸。大抵由郡以達省會。蓋水陸衝要地也。然郡之擅名於東南者。不以山川。不以財賦。而以人文。顏氏子孝感羣鳥。古郡所由以鳥名也。龍邱

浙江通省志圖說

十一

萇抱道不仕。伯夷原憲之行。見重於當塗也。

呂成公

祖謙

倡明正學以後。何

基

王

柏

金履許。

謙

並以道傳。晉卿

黃

潛溪

宋

並以文著。道為

出治之本。文為載道之器也。至宗忠簡澤之

誓扶宋室。王忠文

禕

之守節不屈。浦江鄭氏

之一門義行。非皆所以激忠。蓋扶彝紀者乎。

他如孝標

劉

授詩山名講堂。隱侯

沈

嘯歌樓

傳元暢。此文雅之餘。樸學者弗尚焉。詞華之

士。應亦有取於此。

衢州府圖說

連。饒。信。之。肘。腋。扼。閩。粵。之。喉。吭。通。黔。歙。之。聲。勢。者。厥。惟。衢。州。蓋。嚴。州。居。浙。之。上。游。而。衢。又。居。嚴。之。上。游。畫。山。為。界。依。山。作。障。稱。要。地。焉。領。縣。五。附。郭。為。西。安。東。去。府。治。七。十。里。為。龍。游。西。去。府。治。八。十。里。為。常。山。西。南。去。府。治。七。十。五。里。為。江。山。西。北。去。府。治。一。百。六。十。里。為。開。化。西。安。最。要。者。曰。崢。嶸。山。曰。烏。巨。山。曰。巖。山。龍。游。最。要。者。曰。梅。嶺。曰。龍。邱。山。曰。紫。淵。山。常。山。最。要。者。曰。木。棉。嶺。曰。彤。弓。山。江。山。最。要。

者。曰。江。郎。山。曰。星。觀。山。開。化。最。要。者。曰。芹。嶺。曰。遯。嶺。曰。蟠。桃。山。而。仙。霞。一。關。雄。踞。衆。山。之。上。高。峰。插。天。旁。臨。絕。壑。飛。鳥。能。度。疋。馬。難。旋。昔。人。所。謂。一。夫。當。關。萬。夫。莫。開。者。也。今。值。太。平。全。盛。

聖。化。翔。洽。休。養。生。息。商。旅。不。閉。關。士。卒。無。烽。燧。蓋。已。六。十。餘。年。而。當。逆。藩。牙。孽。時。重。臣。作。鎮。守。茲。關。隘。剪。彼。鯨。鯢。是。州。實。為。

王。師。用。武。蕩。平。之。地。覽。其。山。川。可。慨。然。而。賦。常。武。矣。

起首作高屋建瓴之勢末歸本

廟謨得歐公送田畫秀才序意。寧波一篇
以海作主此篇以山作主

嚴州府圖說

嚴州在萬山之間。西至徽州。南至金華。東北並至杭州。即古睦州地也。宋徽宗時始改名嚴。以嚴陵得名。屬縣六。曰建德。曰淳安。曰桐廬。曰遂安。曰壽昌。曰分水。而建德屬郡城中。尤為一大都會。蔡天啓牋云。溪壑縈迴。二江合而成字。山城闐寂。一葉動而亦聞。圖經則云。錦峰繡嶺。杜牧之則云。越角吳根。山川清麗。如在畫圖矣。過七里瀧。登嚴陵臺者。清風披拂。灑然思薄。身厚志樂。道畏榮。東漢之節

義。惟先生有以開之者乎。又蛟峰盤空。魚口聳秀。地靈人傑。方逢辰商輅之科名出焉。亦前代之盛事也。然土非饒沃。粟米不多。而競資材木。山蠶以為生。歲或不登。轉粟常仰之衢婺。調劑軫恤。宜因民俗而經理之也。昔范文正公出守睦州。謂民之豪者如虎。示之以法。弱者如鼠。示之以仁。而紛爭之患息焉。是即寬猛相濟之方也。請以告司民社者。

温州府圖說

温州古名東甌。即永嘉郡也。十一府中。去省會獨千有餘里。枕閩界。括依山。阻海。土宜秔稻。魚鹽充斥。商賈交會。浙東西推沃壤云。縣凡五。永嘉附府城。名山為華蓋。樂清濱海。名山為鴈蕩。為西際。遙控者為玉環。瑞安在府之西南。最勝者為白巖山。亦瀕於海。平陽亦在府之西南。最勝者為象灣山。去府漸遠。泰順在平陽之西。最勝者為飛龍山。為天關山。去府愈遠矣。昔謝靈運典斯郡。徧歷永嘉諸

山。輒為詩以致其意。今讀江中孤嶼。登綠嶂山。石門絕頂諸詩。如見當年著屐尋幽之樂。名山遊宴。何超然於牒訴倥偬之餘也。至宋代以還。鄉先生如王景山周行已之徒。講明程朱正學者。多至三十餘人。一時有小鄒魯之稱。而台州金華。素以理學聞者。直同鼎足矣。噫嘻。康樂風流。後世猶想慕焉。而况踐履篤實之儒。流風餘韻之垂於後者。為何如哉。

處州府圖說

處州古括蒼地。與閩壤相接。北界台婺。東引甌越。西交三衢。浙之南鄙也。始領縣七。一麗水。一青田。一縉雲。一松陽。一遂昌。一龍泉。一慶元。後又增置雲和。宣平。景寧。為縣凡十。宋楊億守州。嘗曰。引領西目。羣峰倚天。清溪南奔。深淺見底。亦東南形勝區云。獨是唐氏以前。卓犖不朽之人無聞。南宋以來。理學名者。有王光祖。龔原。葉味道。尹起莘。諸人。功業政治。傳者。有管師仁。鄧熹。閻邱觀。諸人。元勲顯

浙江通省志圖說

七

者為劉基。忠節稱者為姜綬。朱光。梅寬。夫。劉璟。孝友一行。又不可悉數也。豈前此史傳失傳與。或山川光氣鬱於前。而顯於後。與。抑唐自李繁建學。韓昌黎作記。而後聖教始尊。則後此之英賢接踵者。惟聖人之道開之也。文翁化蜀。常衮化閩。其功詎可泯與。或云。上有處士星見。故以名州。而引左慈。王方平。帛道猷等以實之。然諸子非州產也。姑存其說。

錢塘江圖說

錢塘江。即浙江。一名浙河。山海經云。禹治水。至於浙河。亦名曲江。枚乘云。觀濤於廣陵之曲江。以江勢三折。故得曲名。又桑欽水經名。浙江。漸字近浙而變。如邾鄒類也。又險不可犯。名羅刹江。江源發於東陽新安之間。水入嚴州桐江。而衢州有水。自蘭溪來。金華之水。至蘭溪。與衢水合。俱會於桐江。入杭之富陽。曰富春江。至錢塘曰錢塘江。曲折而東。歸於海。此由江入海之次第也。海潮入江。受龕赭。浙江通省志圖說

六

兩山約束。與山爭勢。拘怒不洩。聲馳萬馬。奔騰衝擊。一瀉千里。此由海入江之次第也。有唐以來。沙岸受齧。時見奔潰。築塘捍江。著於錢武肅之強弩射潮。宋元及明。屢壞屢築。時有功敘。今天子御極。

詔令歲修。又褒封伍相之神。俾素車白馬。効靈於銀濤雪浪之間。浙東西地。俱受其福。江神懷柔。民莫厥居。

聖人之澤。利賴無窮矣。

西湖圖說

西湖即古明聖湖。方三十里。南西北三面環山。而會城適當東面之缺。泉自谿澗縷注。匯而成湖。引水入城。復自城分導。仁和海寧仰以溉田。鹽漕商賈諸艘。賴以通達焉。中亘舊堤四。曰白沙。蘇公。趙公。楊公。新堤一。曰金沙。跨蘇公堤為外六橋。跨楊公堤為裏六橋。跨金沙堤為玉帶橋。湖亦分裏外。孤山以西為裏湖。孤山以東為外湖。其間隱人之廬。佛子之宮。忠臣義士暨功德在民者。祠宇相望。他蓬萊瀛洲。近在人世也。往者

浙江通省志圖說

九

如亭臺沿洄樓館銜接。金碧照耀。倒影如畫。蓬萊瀛洲。近在人世也。往者聖祖仁皇帝幸浙。覆載萬民。淪浹庶物。孤山屢駐警蹕。

行宮在焉。近奉

旨建聖因寺。為崇奉

神御之所。以廣

聖孝。又建賢王祠。以崇德報功。湖濬而益深。堤增而益廣。桃李繽紛。芙蕖掩映。官民共樂。魚鳥泳游。眺覽者際明良全盛之時。忠愛之心。可

以油然而興矣。

如披小李將軍金碧山水

天目山圖說

山高三千九百丈。廣五百五十里。或云聯杭湖宣徽。周八百里。中爲仙頂。左右東西兩峰。峰各有湖。如左右目。故天目名焉。東目之脉萃於餘杭。結穴於徑山。西目之脉萃於錢塘。爲龍飛鳳舞到錢塘者也。山多險潭。分上中下三級。最上潭腥氣觸人不可近。有犯之者風雲雷電交作。蓋龍之靈氣也。山下有洗眼池。相傳梁昭明分經洗眼處。山半有瀋王峰。

相傳高麗瀋王參禮中峰處。有昇仙峰。相傳徐仙鍊形上昇處。而仙鋸石二十餘扇。片片如鋸。或尺許。或六七寸。一二寸許。有未破者。亦繩墨縷縷留痕。宛然神人狡獪。乃爾道藏列之太微元蓋洞天。洵不虛云。境過高過寒。登蓮花峰者。必繩引而上。十月後。天欲雪。羣猿繞屋而鳴。依人不去。蘇子瞻云。自天目山上俯視雷雨。但聞嬰兒聲。不聞雷震。宜寰中裹糧者少也。

狀出極高極寒。不必登陟。已覺毛骨俱聳。

烟雨樓圖說

宇內烟雨樓有四。一在竟陵。一在桂陽。一在括蒼。而最著者首稱樵李。樓在鴛鴦湖中。累土成洲。因洲建樓者。五代時錢元璪也。因舊址興復者。宋尚書王希呂也。前明時知府趙瀛修之。兵備沈奎修之。知府龔勉劉應鈞修之。入

本朝知府許煥修之。前為魚樂國。後為釣鰲磯。大士有閣。文昌有祠。凝露有臺。棲鳳有軒。浮玉凝碧有亭。波流回環中央。聳峙若君山之

浙江通省志圖說

五

點洞庭也。雍正八年。總督臣李衛。慮歲久頽圯。無以繼前人。示後觀。乃撤舊材而新之。嘗偕民庶遊眺於此。澄湖鏡如。涵青洄碧。萬瓦鱗次。雉堞周遭。觸目如繡。而晨烟暮雨之時。杳靄空濛。不辨涯際。櫂歌漁笛聲聞。人隱萬物。滋潤盎然。榮鬯誠以

國家至治咸和。肖翹得所。而任封疆者。得以政治之餘。修廢舉。墜與民共樂於晴雨。皆宜之境也。視元璪。勅建以來。風物猶是。而太和氣象遠矣。

從烟雨空濛中涵泳治化渾然無迹

太湖圖說

太湖一名震澤。一名具區。一名笠澤。一名五湖。古揚州巨浸也。跨江南浙江二省。於蘇州屬吳縣吳江。於常州屬宜興。於湖州屬烏程。長興湖共五百里。周三萬六千頃。而烏程長興獨有二萬頃。則屬湖州者為尤多云。蓋州有四水。自廣苔山曰苔溪。自銅峴山曰前溪。自天目山曰餘不溪。自德清縣北流至州南興國寺前曰霅溪。霅合四水。東北流入太湖。復合三州之水。由蘇松分流以入於海。經所

浙江通省志圖說

五

謂三江既入。震澤底定是也。烏程沿湖水口。共三十九。長興沿河水口。共三十四。沿堤為漚。漚有斗門。門有版閘。旱則閉之。以防溪水之洩瀉。澇則閉之。以禦湖水之暴溢。康熙四十六年。奉

旨。修建閘座。以固隄防。近又添設同知一員。專理湖務。既以職水利。亦以察匪人。誠以湖為兩省重地。經畫宜周。制防宜密也。中有七十二峰。大者曰馬跡。曰東西洞庭。西洞庭。金房。玉柱。神仙。往來所也。界烏程。長興者。曰大雷山。

小雷山。

廣東通省志圖說



一

畫

海防圖說

兩浙瀕海者凡六府。杭則錢塘。仁和。海寧。嘉則海鹽。平湖。寧則奉化。以外五縣皆屬海濱。而定海。新邑。則又航海而治矣。紹則蕭山。山陰。會稽。上虞。餘姚。台則寧海。黃巖。太平。溫則永嘉。樂清。瑞安。平陽。皆是也。海之有防。漢以前無聞。陽嘉中。始議屯戍。宋南渡後。漸立禁防。明嘉靖中。倭人為難。浙東西。僅焉。而海防之法。嚴矣。

浙江通省志圖說
國家臣一區宇。鯨波不驚。海外萬國。皆航琛輦。

三

賁。聲教覃敷。無遠弗屆矣。然驛騷永息。防制宜周。法在守各府之海口。以固門戶。捍洋海之險要。以固藩籬。司以巡之。所衛以防之。提鎮以統之。量地分哨。而又會哨以聯絡之。修戰船。設墩臺。而於出口商船。又逐汛交替。以稽察之。此防海之大略也。而地勢之要害。杭為鯨子門。嘉為澉乍二浦。寧為定海山。蛟門。紹為泗門港。台為海門港。溫為南麂。玉環。而定海山。蛟門。凡海舶之自浙而達遼海者。必經於此。尤為全浙最要之地。設兵捍衛。蓋以

得人為重哉。

普陀山圖說

普陀山亦名補陀洛伽山。華言小白華山。去定海縣約二百里。山周圍百里。孤懸海中。相傳大士示現地。善財南詢處也。寺舊名寶陀。聖祖仁皇帝改名普濟。又

勅建雨花禪寺。寺凡兩處。在山之南。去寺三里。爲潮音洞。洞顛通穴。濤浪衝擊。終古吼怒。相連爲龍女洞。西去爲善財洞。自山北轉。名石盤陀。平坦可坐百人。曉望扶桑日。輪從海底湧出。赤波吐吞。氤氳海面。晃耀心目。上有白華

浙江通省志圖說

天

嶺菩薩頂。達摩峰。紫竹林。下有蓮花洋。青螺礁。疑非人間世也。開山以來。孰不敬禮大士。然大士無形。誠動輒應。而天下在宥。佑民庇國者。尤足感通我

皇上海涵天覆。萬類是庇。

詔發內帑。聿新殿宇。凡以爲民祈福。而天下之梯山航海。奔走祝釐者。誠知

天子萬年。與佛力永永無量也。外更有小洛伽山。相望海中。亦大士示形地。

禹陵南鎮圖說

周禮揚州之鎮山曰會稽。夏禹朝四方諸侯處也。西北五里爲禹陵。東有禹廟。改封會稽爲南鎮。自開元時始也。山有南鎮廟。廟在禹廟之右。禹陵可識者。會稽山之東。有隴隱若劍脊。西下有窳石。狀若稱權。相傳禹葬會稽。取此石爲窳石也。司馬遷作史記。自序云。上會稽。探禹穴。禹穴之在會稽信矣。考歷代尊禮。宋建隆二年。詔令州縣視守陵墓。乾道四年。詔立廟會稽。置守陵五戶。明洪武九年。令五百步內禁人樵采。設陵戶二人。其崇祀南鎮之神。唐天寶十年。封永興公。宋淳化二年。以立夏日祀南鎮。南宋及元。封王號。明洪武三年。正祀典。止稱會稽山之神。遇大禮。遣官致祭。此祀典之秩然者。

國朝祀禹陵南鎮。遣官分祭。肅將典禮。視先代有加焉。蓋禹之明德若此。其遠而作鎮炎服者。功不在嶽瀆諸神下也。或曰。禹穴在蜀。會稽禹穴。乃神禹得黃帝水經處。此前明楊慎好奇之論。不足據云。

天台山圖說

天台山高一萬八千丈。周遭八百里。四面如一。山不下數十。總以天台冠之。山之門戶為赤城。石皆赭色。形如雉堞。右為玉京洞。即道書所云第六洞天。東為國清寺。山多精廬。此絕勝者。北為清溪。為桃源。繡壁夾澗。十里三折。仙蹤惚恍。難窮其奧。西北最高者為華頂。山麓至絕頂。凡八重。登其巔者。大海錢塘。括蒼鴈蕩。俱在指掌。俯瞰羣峰。或如蓮葉。或如花鬚。恍疑芙蓉。一朶浮動海上。真絕境也。西

行為瓊臺。對峙為雙闕。臺當大壑之心。空際石起。浮嵐雲破。狀如削瓜。萬仞卓立。森倚相向。孫綽所謂雙闕雲竦。以界道。瓊臺中天。而垂居是也。過聖慈寺。為斷橋。厓石欲接。一罅中斷。飛泉噴射。猿鳥回蹤。又循鳥道。西折。迴絕處。為石梁。峭壁如劒削。雙澗懸流。兩厓支石。危不受趾。孫綽所謂跨穹窿之懸磴。臨萬丈之絕溟。是也。過此。則應真五百所棲兜羅綿現宮。闕縹緲。津逮者。蓋自厓而返矣。造句得之。水經注一結。意言不盡。

鴈蕩山圖說

鴈蕩一名鴈湖。高四十里。頂上有湖。方十里。春鴈歸。每宿於此。故名。山之界。東至溫嶺。西至白巖。南至玉環山。北至蒼坡山。唐一行書。天下山河為南北兩戒。以南戒盡於鴈蕩。蓋謂巴蜀湖南之山。趨金陵。度錢塘。而結秀於此也。東西內外谷。包藏一百一峰。而剪刀天柱最勝。剪刀峰。高數百丈。屹立澗水中。神鏡鬼削。兩股訝然。天柱峰。千仞壁立。儼然端人。正士。執笏殿廷。令人肅然起敬。餘隨步換形。

莫可名狀。瀑布凡三處。而大龍湫。自鴈湖合諸溪澗水。從凹中直下。疑天上傾瀉。砰雷轉轂。隨風作態。激射倒躍。沾灑及數里外。高約五千餘丈。小龍湫。上龍湫。俱遜之。他如石梁之拔地梯天。常雲之晴空不散。梅雨泉之一絲搖漾。人喧則止。人寂則飛。皆變幻之尤者。開山者。為諾詎羅師。賦斤竹磳石門詩者。為謝康樂。以遊蹤著者。為焦伯強。沈存中。主龜齡。後之遊東甌者。可考焉。

寫瀑布一段。疑有神助。覺海風吹不斷。江

月照還空猶是凡語若一條界破青山色
真不免惡詩之謂也

玉環山圖說

玉環山。舊名木嶼。亦名木榴。亦名地肺。宋以後改今名。山界溫台。分屬樂清太平二縣。共七百餘里。四面距海外。際大洋。溫台之門戶。實全浙之藩屏也。明洪武時。徙民實內地。而是山孤懸海外。蒙茸盤結。歷有年所矣。今上御極之五年。總督臣李衛請

命於朝。經營相度。因山築城。因城濬池。招徠民庶。迺壇迺廟。迺署迺營。迺廬迺倉。田從墾藝。賦則三壤。設官以撫之。駐兵以衛之。都鄙有限。

浙江通省志圖說

三

斥鹵有利。巡哨有制。測潮占風。有方。雞犬桑麻。熙熙攘攘。而玉環屹然為島。寡間重地矣。蓋猶是山也。置之荒穢。則匪人伏莽。隸之疆索。則作鎮海邦。今際

聖人之世。山効其靈。水呈其瑞。向等於珠厓之棄者。漸復為衣冠文物之區。且四山環拱。若白龍湫。珠簾島。翠雲窩。諸勝儼然踴躍奮迅。以爭奇競秀於天台。鴈蕩之間。世有孫興公。謝康樂其人。尚操筆而賦之。

仙霞嶺圖說

浙為東南屏蔽。衢又為浙之重鎮。而仙霞嶺又衢州一府之扼要地也。嶺在江山縣南百里。為級三百六十。為曲二十有八。長二十里。重崖峭壁。因勢成關。實為南服之險云。連仙霞之嶺六。曰窰。曰茶。曰大竿。曰小竿。曰梨。曰楓。過楓嶺。分浙閩兩省界。連仙霞之關五。曰安民。曰六石。曰黃隴。曰木城。曰二渡。過二渡。為江右廣信永豐界。六嶺五關。並在百里內。而語險絕者。必以仙霞為冠。浙之有仙霞。猶

浙江通省志圖說

雷

蜀之有劔閣也。宋建炎紹興間。諸將多轉戰於仙霞南北。史浩帥閩。斃以石路。

本朝康熙十三年。逆藩梗化。鴟張豕突。謀出仙霞。制府李文襄之芳。秉受

廟謨。置兵險隘。後設伏搗虛。殲厥渠魁。由守我之險。遏彼之勢。乘其弊而殪之也。坎之彖辭云。王公設險以守其國。得人以守之。據有形之險。布有孚之德。故往而有功。聖人所重。固在地利人和哉。